

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

Naalakkersuisunut apeqquut:

- 1. Pinerlussimasunut inissiisarfinni inissinneqarlutik pineqaatissinneqarsimasut inuiaqatigiinnut pitsaasumik akuulerseqqinnissaat pillugu suliniarneq sumut killippa ?**
- 2. Pinerlussimasunut inissiisarfinni inissinneqarlutik pineqaatissinneqarsimasut pinerloqqinnginnissaat anguniarlugu suliniartoqarpaa ?**
- 3. Pinerlussimasunut inissiisarfinni inissinneqarlutik pineqaatissinneqarsimasut ineqarnermut nerisaqarnermullu akiliuteqartinneqartarpaat ?**
- 4. Pinerlussimasunut inissiisarfinni inissinneqarlutik pineqaatissinneqarsimasut, sulinikkut allatigulluunniit nammineerlutik aningaasarsiorsinnaanermut periarfissinneqartarpaat ?**
- 5. maannakkut pinerluuteqarsimallutik pinerlussimasut inissiisarfiini inissinneqarsimasut qassiuppat ? qassillu inissinneqarnissaminnut utaqqippat ?**

(Inatsisartunut ilaasortaq, Anthon Frederiksen, Partii Naleraq)

Tungavilersuut:

Qularnangilaq tamatta kissaatigisaraluarparput, pinerlunnerit pinaveersimatinneqarnissaat imaluunniit pinngitsoortinneqarnissaat, kisianni ajoraluartumik pinerlussimaneq pissutigalugu, pinerlussimasunut inissiisarfiit ulikkaartuaannanngajapput aammalu inuit eqqartuussivikkut pineqaatissinneqareersimasut, pinerlussimasunut inissiisarfinni utaqqisunut allattorsimaffimmi utaqqisinneqartarlutik.

Qanoq iliornikkut pinerluttarnerit appasinnerpaaffissaanniitinneqarsinnaanerat anguneqarsinnaava ? aamma pineqaatissinneqarsimasut isertitsivinnut uteqqittannginnissaat anguniarlugu suliniarneq qanoq pitsanngorsarneqarsinnaava ?

Taamaammat inuiaqatigiinni pinerluttuliortarnerit sapinngisamik appasinnerpaaffissaanniitsinneqarnissaat anguniarlugu suliniarnermi – apeqqutit qulaani taaneqartut akineqarnissaat soqutiginarpoq.

Ullut suliffiit qulit qaangiutinnginnerani akineqarnissara kissaatingaara.